



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### ვაშლანა



ვაშლანა, ჩ ი ტ ა კ ო მ შ ა , ჩ ი ტ ა ნ კ ე პ ლ ა (Cotoneaster), მცენარეთა გვარი ვარდისებრთა ოჯახისა. 1-3 მ-მდე სიმაღლის ბუჩქი. აქვს მორიგეობით განლაგებული ფოთლები და მტევნისებრ ან ფარისებრ ყვავილედებად შეკრებილი პატარა თეთრი ან მოვარდისფრო ყვავილები. გვარში 100-მდე სახეობაა. გავრცელებულია ევროპაში, აზიასა და ჩრდ. აფრიკაში. ს ა ქ ა რ თ ვ ე ლ ო შ ი 8

სახეობაა. მათგან აღმ. საქართველოში უფრო მეტად გავრცელებულია ჩ ი ტ ა კ ო მ შ ა (C. racemiflora). იგი 1 მ-მდე სიმაღლისაა. მისი ნორჩი ტოტები ქეჩისებურადაა შებუსუსული, დანარჩენი კი შიშველია (ყავისფერი ან ალუბლისფერი). ნაყოფი წითელია. იზრდება ბუჩქნარებსა და მშრალ ქვიან ფერდობებზე მთის შუა სართყლამდე. ნაყოფი შეიცავს C ვიტამინს. თითქმის იმავე ადგილებში იზრდება მ რ ა ვ ა ლ ყ ვ ა ვ ი ლ ა ვ . (C. multiflora). ჩ ვ ე უ ლ ე ბ რ ი ვ ი ვ . (C. integerrima) მთელ საქართველოშია გავრცელებული, შ ა ვ ი ვ . (C. melanocarpa) კი - მარტო ქართლსა და გარე კახეთში (ქვიან ფერდობებზე მთის შუა, ზოგჯერ ალბ. სართყელში). მისი ნაყოფი და ფოთლები მდიდარია C ვიტამინით. ვ. გვალვაგამძლეა, იყენებენ მშრალი, ხრიოკი ფერდობების გასამაგრებლად.